




山川典第二百三卷

聖水部彙考

順天府之琉璃河

琉璃河卽古聖水金史作劉李河源出房山縣之龍泉峪流良鄉縣之南至固安縣入巨馬河

考

按水經聖水出上谷

孫云聖水今琉璃河注

故燕也秦始皇二十三年置上谷郡王隱晉書地道志曰郡在谷

之頭故因以上谷名焉王莽改名朔調也水出郡之西南聖水谷東南流逕大防嶺之東首山下有

石穴東北洞開高廣四五丈入穴轉更崇深穴中有水耆舊傳言昔有沙門釋惠彌者好精物隱嘗

篝火尋之傍水入穴三里有餘穴分爲二穴殊小

謝云宋本二下有一字

西北出不知趣詣一穴西南出入水

逕五六日方還又不測窮深其水夏冷冬溫春秋有白魚出穴數日而返人有採捕食者美珍常味

蓋亦丙穴嘉魚之流類也是水東北流入聖水聖水又東逕玉石山謂之玉石口山多珉玉燕石故

以玉石名之其水伏流里餘潛源東出又東頽波瀉澗一丈有餘屈而流也

東過良鄉縣南

注

聖水南流歷縣西轉又南逕良鄉縣故城西王莽之廣陽也有防水注之水出縣西北大防山南而

東南流逕羊頭山下俗謂之羊頭溪其水又東南流至縣東入聖水聖水又南與樂水合水出縣西

北大防南山東南流歷縣西而東南流注聖水又東過其縣故城南又東逕聚聖南蓋藉水而懷稱

也又東與挾

宋本作挾

河合水出良鄉縣西甘泉原東谷東逕西鄉縣故城北王莽之移風也世謂之都

鄉城按地理志涿郡有西鄉縣而無都鄉城蓋世傳之非也又東逕良鄉城南又東北注聖水世謂

之挾

宋本作挾

活河又名之曰非潔

一作理

之溝也

又東過良鄉縣北

注

聖水自涿縣東與桃水合首

受涑水於徐城東南良鄉西分洹水世謂之南涉溝卽杭水也東逕

古通字

縣北

孫曰洹水當作垣水下同杭水疑作

范水涑之爲范陽郡蓋亦取於此

又東逕涿縣故城下與涑水合世因謂涑水又亦謂之桃水出涿縣故城西南奇

溝東八里大坎下數泉同發東逕桃仁墟北或曰因水以名墟則是桃水也或曰終仁之故居非桃

水也余按地理志桃水上承涑水此水所發不與志同謂終爲是又東北與樂堆泉合水出堆泉東

南流注於涑水涑水又東北逕涿縣故城西流注於桃應劭曰涿郡故燕漢高帝六年置其南有涑

水蓋氏焉闕駟亦言是矣今於涿城南無水以應之所有唯西南有水矣應劭又云涑水出上谷

涿鹿縣余按涿水自涿鹿東注濕水濕水東南逕廣陽郡與涿郡分水漢高祖六年分燕置涿郡涿之爲名當受涿水通稱矣故郡縣氏之但物理潛通所在分發故在山谷爲涿耶水

按十三卷注云涿水枝分入甸

奴者謂之涿耶水

山川阻闊並無注之理所在受名者皆是經隱顯相關遙情受用以此推之事或近矣

而非所安也桃水又東逕涿縣故城北王莽更名垣翰晉大始元年改曰范陽郡今郡理涿縣故城城內東北角有晉康王碑城東其范陽王司寇號廟碑桃水又東北與洹水會水上分涑水於良鄉

縣之桃水世謂之北涉溝故應劭曰垣水出良鄉東逕垣縣故城北史記音義曰河間有武垣縣涿

有垣縣漢景帝中元三年封匈奴降王賜

古本作勝

爲侯國王莽之垣翰亭矣世謂之頃城非也又東逕

頃亦地名也故有頃上言世名之頃前河又東洛水注之水上承鳴澤渚渚方一十五里漢武帝元

封四年行幸鳴澤者也服虔曰澤名在廼縣北界卽此澤矣西則獨樹水注之水出廼縣北山東入

渚北有甘泉水注之出良鄉西山東南逕西鄉城西而南注澤渚水又東逕西鄉城南又東逕垣縣

而南入垣水垣水又東逕涿縣北東流注於桃故應劭曰垣水東入桃關關曰至陽鄉注之今按經

脈而不能屈也桃水東入陽鄉東注聖水聖水又東廣陽水注之水出小廣陽西山東逕廣陽縣故

城北又東福祿水注焉水出西山東南逕廣陽縣故城南東入廣陽水亂流東南至陽鄉縣右注聖水聖水又東南逕陽鄉城西不逕其北矣縣故涿之陽亭也地理風俗志曰涿縣東五十里有陽鄉亭後分爲縣王莽時更名章武卽長鄉縣也按太康地記涿有長鄉而無陽鄉矣聖水又東逕長興城南又東逕方城縣故城李牧伐燕取方城是也魏封劉放爲侯國聖水又東左會白祀溝溝水出廣陽縣之婁城東南流左合婁城水水出平地導泉東南流右注白祀水亂流東南逕常道城西故鄉亭也西去長鄉城四十里魏少帝璜甘露三年所封也又東南入聖水聖水又東南逕韓城東詩韓奕章曰溥彼韓城燕師所完王錫韓侯其追其貆奄受北國鄭元曰周封韓侯居韓城爲侯伯言爲獫夷所逼稍稍東遷也王肅曰今涿郡方城縣有韓侯城世謂寒號非也聖水又東南流右會清淀水水發西淀東流注聖水謂之劉公口也 又東過安次縣南東入於海注聖水又東逕渤海安次縣故城南漢桓帝中平二年封荊州刺史王敏爲侯國又東南流注於巨馬河而不達於海也

按明一統志保定府涑水在涑水縣東北三十里源出礬山桃水至縣境東流入聖水

按畿輔通志保定府聖水在易州水經云聖水出上谷晉書地道志曰郡在谷之頭故名上谷

順天府琉璃河在良鄉縣南四十里金史作劉李河舊志又謂卽古聖水自房山龍泉峪流至霸州入拒馬河

按良鄉縣志琉璃河卽聖水金史作劉李河發源自房山龍泉峪經本縣治東南流至固安縣入拒馬河有橋橋旁鐵柱莫考所始大略以鎮蛟螭川原沉湮固宜神族所都矣俯橋聽囑河聲觸梁逶迤而東大或颺靈小或箏筑丹碧空行光影瀟照易劉李爲琉璃應以形色相轉注爾

涑水部彙考

順天府之涑水

涑水發源今山西大同府廣昌縣之涑山有二源一發源北巖古塔下爲巨馬河一發源異方名涑水泉合巨馬河經紫荆關流入易州涑水縣界東南流與滹沱諸河合入於海

考

按周禮夏官職方氏正北曰并州其浸涑易訂義易氏曰漢志代郡廣昌縣涑水東南至容城入河案

唐蔚州飛狐縣卽漢廣昌縣地有飛狐口涑水所出東南流至易州易縣又東北流至涑水縣又南流入容城縣卽漢志所謂東至官城入河者也

按漢書地理志代郡廣昌註涑水東南至容城入河

按水經巨馬河出代郡廣昌縣涑山註卽涑水也有二源俱發涑山東逕廣昌縣故城南王莽之廣

屏魏封樂進爲侯國矣涑水又東北逕西射魚城東南而東北流又逕東射魚城南又屈逕其城東

竹書紀年曰荀瑤伐中山取窮魚之丘窮射字相類疑卽此城也所未詳矣涑水又逕三女亭西又

逕樓亭北左屬白澗溪水有二源合注一川川石皓然望同積雪故以物色受名其水又東北流謂

之石曹水伏流地下李云疑作溢則通津委注謂之白澗口涑水又東北桑谷水注之水南發溪北注

涑水涑水又北逕小疊泉又東逕大疊南蓋霍原隱教授處也徐廣云原隱居廣陽山教授數千人

爲王浚所召雖千古世懸猶表二疊之稱旣無碑頌竟不知定誰居也按晉書霍原字休明燕國廣陽人山居積年門徒百數元

康年徵賢良不到後王浚稱制謀僭使人問之原不答時涑水又東北歷紫石溪口謝云東北下一作又東流歷系

石溪興紫水合水北出聖人城北大亘下東南流左會疊石溪水蓋山崩委澗積石淪隍故溪澗受

其名矣水出東北西南流注紫石溪水紫石溪水又逕聖人城東又東南右會檐車水水出檐石硯

東南流逕聖人城東南南流注紫石水又南注於涑水涑水又東南逕榆城南又屈逕其城東謂之

榆城河涑水又南逕藏刀山下層巖壁立直長千霄

宋本作直上干霄

遠望崖側有若積刀鏤鏤相比咸悉

西首涑水東逕徐城北出焉世謂之沙溝水又東督亢溝出焉

宋本作又東合督亢溝

一水東南流卽督亢溝

也一水西南出卽涑之故瀆矣水盛則長津弘注水耗則通波潛伏重源顯於廼縣舊則川矣

東過廼縣北

注

涑水上承故瀆於縣北垂重源再發結爲長潭潭廣百步許長數百步左右翼帶涓

流控引

疑脫一其字

水自成淵渚長川漫下十一許步東南流逕縣故城東漢景帝中元三年以封匈奴

降王隆疆爲侯國王莽更名廼屏也謂之巨馬河亦曰渠水也又東南流袁本初遣別將崔巨業

魚豢

典略作崔巨業

攻固安不下退還公孫瓚追擊之於巨馬水死者六七千人卽此水也又東南逕范陽縣故

城北易水注之

又東南過容城縣北

注

巨馬水又東酈亭溝水注之水上承督亢溝水於廼縣

東東南流歷紫淵東余六世祖樂浪府君自涑之先賢鄉爰宅其陰西帶巨川東翼茲水枝流津通

纏絡墟園匪直田漁之贍可懷信爲遊神之勝處也其水東南流又名之爲酈亭溝其水又西南轉

歷大利亭南入巨馬水又東逕容城縣故城北又東督亢溝水注之水上承涑水於涑谷引之則長
津委注過之則微川輟流水德含和變通在我東南流逕迺縣北又東逕涿縣酈亭樓桑里南卽劉
備之舊里也又東逕督亢澤澤苞方城縣縣故屬廣陽後隸於涿郡國志曰縣有督亢亭孫暢之述
畫有督亢地圖言燕太子丹使荆軻齎入秦秦王殺軻圖亦絕滅地理書上古聖賢冢地記曰督亢
地在涿郡今故安縣南有督亢陌幽州南界也風俗通曰沆漑也言乎淫淫漑漑無崖際也沆澤之

無水斥鹵之謂也其水自澤枝分東逕涿縣故城南又東逕漢侍中盧植墓南又東散爲澤渚督亢

澤也北屈匯

宋本作注

於桃水督亢水又南謂之白溝水南逕廣陽亭西而合南枝溝溝水西受巨馬河

東出爲枝溝又東注白溝白溝又南入於巨馬河巨馬河又東南逕益昌縣濩澱水右注之

孫云白溝今在

新城縣南巨馬河之下流也

水上承護陂於臨鄉縣故城西東南逕臨鄉南漢封廣陽王子須爲侯國地理記曰

方城南十里有臨鄉城故縣也城南十里淀水又東南逕益昌縣故城西南入巨馬水巨馬水東逕
益昌縣故城南漢封廣陽頃王子嬰爲侯國王莽之有秩也地理風俗記曰方城縣東八十里有益
昌城故縣也又東八丈溝水注之水出安次縣東北平地泉東南逕安次城東東南逕東州縣故城

西又南有合庫池

一作潭
沱後同

河枯溝溝自安次西北東逕常道城東安次縣故城西晉司空劉琨所守

以拒石勒也又東南至泉州縣西南東入八丈溝又南入巨馬河亂流東注也

原本以又東南至又
南十六字作經文以

入巨馬河亂流東注也作注文謝耳伯云宋本
又東南至注也二十五字按石勒也俱作注文

又東過勃海東平舒縣北東入于海

注地理志

曰涑水東南至容城入于海河卽濡水也蓋升以明會矣

升以宋本
作互以

巨馬水于平舒北南入于庫池

而同歸于海也

按遼史地理志易州高陽軍有涑水

涑水縣在州東四十里有涑水

按金史地理志易州有涑水

按續文獻通考山西大同府涑水在廣昌縣東南流入保定府易州界一名拒馬河

按明一統志保定府涑水在涑水縣東北三十里源出礮山東流入聖水

馬村河在新城縣西

北四十里源出涑水經縣境入拒馬河

按巨馬河宋以
後多名拒馬河

按山西通志大同府廣昌縣拒馬河在縣南三里七山下卽涑水之源也世傳楊延朗拒敵兵於此

故名拒馬河又云金章宗至此馬乏水見土色濕潤有水之形以鞭指而得水穴馬跑而飲之又名

馬跑河水經巨馬河出代郡廣昌縣涑山注云卽涑水也有二源俱發涑山
涑水在縣東郊外
源出北崖古塔下通拒馬河經紫荊關流入易州涑水縣界

按畿輔通志宣府拒馬河在廣昌縣西南二里源出七山下爲涑水上流
涑水在廣昌縣東郊

外發源北巖古塔下通拒馬河經紫荊關流入易州涑水縣界又一水發源巽方亦名涑水泉從堡
牆下水口流入拒馬河
保定府鐵鎖巖在涑水縣龍灣其山高峯卓立下有巖水流至此兩分

一入涑州一入涑水
涑水在易州

按涑水縣志涑水有二源俱發涑山
拒馬河一統志云拒馬河流逕涑水縣北又東南過定興

縣西與五里白澗河合晉劉琨守此以拒石勒故名拒馬又東過新城縣白溝河又東注霸州合直
沽入於海
檐車水出檐車礪東南流注紫石水又南注於涑水
清水河在縣北木井社于

家莊南流至縣東北入拒馬河
稻子溝河在縣東十五里赤土村係拒馬河分流

涑水部藝文 詩

拒馬河

元傳若金

落日蒼茫裏秋風慷慨多燕雲餘古色易水尙寒波岸絕船通馬沙交路入河行人悲舊事含憤說

荆軻

濡水部彙考

保定府之濡水

濡水一名徐水源出易州窮獨山南谷東流合源泉水又合易水東流入海

考

按漢書地理志涿郡故安

注

閭鄉易水所出東至范陽入濡也

遼西郡肥如

注

元水東入濡水

濡水南入海陽

中山國曲逆

注

蒲陽山蒲水所出東入濡又有蘇水亦東入濡莽曰順平張曼

曰濡水於城北曲而西流故曰曲逆

按水經濡水從塞外來東南過遼西令支縣北

注

濡水出禦夷鎮東南其水二源雙引夾山西北流

出山合成一川又西北逕禦夷故城東鎮北百四十里北流左道則連泉水注之出故城東西北流

逕故城南又西北逕淶水池南其水淵而不流其水又西屈而北流又東逕故城北連結兩池沼謂

之連泉浦又東北注難河難河右則汙水入焉水出東塢南西北流逕沙野南北人名之曰沙鎮東北二百三十里西北入難河濡難聲相近狄俗語譌耳濡水又北逕沙野西又北逕箕安山東屈而東北流逕沙野北東北流逕林山北水北有池潭而不流濡水又東北流逕孤山南東北流呂泉水注之水出呂泉塢西東南流屈而東逕塢南東北流三泉水注之其源三泉鴈次合爲一水鎮東北四百里東南注呂泉水呂泉水又東逕孤山北又東北逆流水注之水出東南導泉西流右屈而東北注木林山水會之水出山南東注逆水亂流東北注濡河濡河又東盤泉入焉水自西北東南流注濡河濡河又東南水流廻曲謂之曲河鎮東北三百里又東出峽入安州界東南流逕漁陽白檀縣故城地理志曰濡水出縣北蠻中漢景帝詔李廣曰將軍其帥師東轅弭節白檀者也又東南流右與要水合水出塞外三川並導謂之大要水也東南流逕要陽縣故城東本都尉治王莽更之曰要術矣要水又東南流逕白檀縣而東南流入於濡濡水又東而南索頭水注之水北流南逕廣陽僑郡西魏分右北平置今安州治又南流注於濡水濡水又東南流武列水入焉其水三川派合西源右爲谿水亦曰西藏水東南流出谿與蟠泉水合泉發州東十五里東流九十里東注西藏水西

藏水又西南流東藏水注之水出東谿一曰東藏水西南流出谷與中藏水合水導中谿南流出谷南注東藏水故目其川曰三藏川水曰三藏水東藏水又南右入西藏水亂流右會龍泉水水出東山下淵深不測其水西南流注於三藏水三藏水又東南流與龍芻水合而出於龍芻之谿東流入藏水又東南流逕列谿謂之武列水東南歷石挺一作挺下左層巒之上有孤石雲舉臨崖危峻可高

百餘仞牧守所逕命選練之士彎弧矢無能屈其崇標者其水東合流入濡濡水又東南五渡水注之水北出安樂縣丁原山南流逕其縣故城西本三會城也其水南入五渡塘於其川也流紆曲溯涉者頻濟故川塘取名矣又南流注於濡濡水又與高石水合水東出安樂縣東山西流歷三會城南西入五渡川下注濡水濡水又東南逕盧龍塞塞道自無終縣東出渡濡水向林蘭陁東至清陁盧龍之嶮峻坂縈折故有九崢之名矣燕景昭元璽二年遣將軍步渾治盧龍塞道焚山刊石令通方軌刻石嶺上以記事功其銘尙存而庾杲之注揚都賦言盧龍山在平罌城北殊爲孟浪遠失事實余按盧龍東越清陁至凡城二百許里自凡城東北出趣平罌故城可百八十里向黃龍則五百里故陳壽魏志田疇引軍出盧龍塞塹山堙谷五百餘里逕白檀歷平罌登白狼望柳城平罌在盧

龍東北遠矣而仲初言在南非也濡水又東南逕盧龍故城東漢建安十二年魏武征蹋頓所築也

濡水又南黃洛水注之水北出盧龍山南流入於濡濡水又東南水又合焉

水又舊本作水名宋本作洛水合焉

水出

盧龍塞西南流注濡水又合屈而注得去潤水又會敖水二水並自盧龍西注濡水又東南流逕令

支縣故城東王莽之令氏亭也秦始皇二十二年分燕置遼西郡令支縣焉

縣宋本作隸

魏氏土地記曰

肥如城西十里有濡水南流注逕孤竹城西右合元水也謂之小濡水非也水出肥如東北元溪西

南流逕其縣東東屈南轉西迴逕肥如縣故城南俗又謂肥如水非也故城肥子國應劭曰晉滅肥

肥子奔燕燕封於此故曰肥如也漢高帝六年封蔡寅爲侯國西南流右合盧水水出縣東北沮溪

南流謂之大沮水又南左合陽樂水水出東北陽樂縣地理風俗記曰陽樂故燕也遼西郡治秦始皇

皇二十二年置魏氏土地記曰海陽城西南有陽樂城其水又西南入於沮水謂之陽口沮水又西

南小沮水注之水發冷溪世謂之冷池又南得溫泉水口注之出東北溫溪自溪西南流入於小沮

水小沮水又南流與大沮水合而爲盧水也桑欽說盧子之書言晉既滅肥遷其族於盧水盧水有

二渠號小沮大沮合而入於元

脫一水字

盧水又南與溫水合水出肥如城北西流注於元水地理志曰

盧水又南入元水元水又西南逕孤竹城北西入濡水故地理志曰元水東入濡蓋自東而注也地理志曰令支有孤竹故城孤竹國也史記曰孤竹君之二子伯夷叔齊讓國於此而餓死於首陽漢靈帝時遼西太守廉翻夢人謂己曰余孤竹君之子伯夷之弟遼海漂吾棺槨聞君仁善願見藏覆明日視之水上有浮棺矣宋本作更嗤笑者皆無疾而死於是改葬之晉書地道志曰遼西人見遼水有浮棺欲破之語曰我孤竹君也汝破我何爲因爲立祠焉祠在山上城在山側肥如縣南十二里水之會也 又東南過海陽縣西南入于海注濡水自孤竹城東南逕主鄉北瓠溝水注之出城東

南東流注濡水濡水又逕牧城南分爲二水北水枝出世謂之小濡水也東逕樂安亭北東南入海濡水東南流逕樂安亭南東與新河故瀆合自雍奴縣承鮑丘水東出謂之鹽關口魏太祖征蹋頓與洵口俱導也世謂新河矣陳壽魏志以通河海也新河又東北絕庚水又東北出逕右北平絕洵渠之水又東北逕昌城縣故城北至至宋本作故俱疑衍王莽之淑武也新河又東爲二水枝瀆東南入海新

河自枝渠東出合封大水謂之交流合水出新平縣西南流逕新平縣故城西地理志遼西之屬縣也又東南流龍鮮水注之水出縣西北世謂之馬頭山二源俱導南合一川東流注大水地理志曰

龍鮮水東入封大水者也。亂流南會新河，南流于海。地理志曰：封大水于海陽縣南，入海新河，又東出海陽縣，與緩靈水會。水出新平縣東北，世謂之大龍山。東南流，逕令支城西，西南流，與新河合。南流于海。地理志曰：緩靈水與封大水皆南入海新河，又東與素河會。謂之白水口，出令支縣之藍山。南合新河，又東南入海新河，又東至九過口，枝分南注海新河，又東逕海陽縣故城南。漢高祖六年，封搖母餘爲侯國。魏土地記曰：令支城南六十里有海陽城者也。新河又東與清水會，水出海陽縣東南，流逕海陽城東，又南合新河，又南流一十許里，西入九過注海新河。東絕清水，又東木究水出焉，南入海新河，又東左逕爲孔陽孤淀名。

宋本無名字

右絕新河南注海新河，又東會於濡濡水，又東南

至桑縣。碣石山，文穎曰：碣石在遼西桑縣王莽之還武也。桑縣并屬臨渝王莽更臨渝爲憑德。地理志曰：大碣石山在右北平驪成縣西南。王莽改曰碣石也。漢武帝亦嘗登之以望巨海，而勒其石於此。今枕海有石如墉。

宋本作甬

道數十里，當山頂有大石如柱形，往往而見，立於巨海之中，潮水大至及

潮波退不動不沒，不知深淺，世名之天橋柱也。狀若人造，要亦非人力所就。韋昭亦指此以爲碣石。

也。三齊略記曰：始皇於海中作石橋，海神爲之豎柱，始皇求爲

爲當作與

相見神曰：我形醜，莫圖我形，當